

CEACHT 5

SA SIOPA



A. Athdhéanamh ar chuid den fhoclóir a múineadh,
m.sh. cóta, hata, bróga, etc.

Abairtí i ngnáthchaint na scoile a chleachtadh,
m.sh. Dún an doras/an cófra/an mála, etc.

Dúnfaidh mé.

Glan an clár dubh/an bord, etc.

Glanfaidh mé, etc.

B. Cloisteáil, Aithint, Aithris

Bunchomhrá

Seo é an siopadóir. Tá sé sa siopa. Tá Colm agus Nuala sa siopa. Tá airgead ag Nuala. Tá sí ag ceannach. Cheannaigh sí barra seacláide. Thug sí píosa do Cholm.

C. Cleachtadh

Cé hé sin? Cá bhfuil sé?

Céard atá sé a dhéanamh/Cad atá á dhéanamh aige?

Cá bhfuil Colm agus Nuala? Céard/Cad atá ag Nuala?

Céard atá sí a dhéanamh/Cad atá á dhéanamh aici?

Céard/Cad a cheannaigh sí/Cad a thug sí do Cholm?

Cleachtadh a thabhairt do na páistí ar chuid de mhúnláí an Bhunchomhrá,

m.sh. Tá sé sa siopa/sa bhaile/sa chistin/sa chófra, etc.

Tá airgead ag Nuala, agam, agat, aige, aici.

D. Leathnú

(a) Scéilín faoi leanbh ag dul go siopa an ranga.

(b) Amhrán (An ceol ar théip)

Sa Siopa

I

Dónall an siopadóir, an siopadóir, an siopadóir,

Dónall an siopadóir, ó tá sé sa siopa.

Curfá;

Hó, Hó, Hó, Hó, mise an siopadóir

Hó, Hó, Hó, Hó, tá mé sa siopa.

II

Dónall an garda, an garda, an garda,

Dónall an garda, ó tá sé ar an mbóthar.

Curfá;

III

Dónall an dochtúir, an dochtúir, an dochtúir,

Dónall an dochtúir, ó tá sé sa charr.

Curfá;

IV

Dónall an sagart, an sagart, an sagart,

Dónall an sagart, ó tá sé sa séipéal.

Curfá: